



DEO OPTIMO MAX.  
UNI ET TRINO,  
VIRGINI DEI-PARÆ, ET S. LUÆ,  
Orthodoxorum Medicorum Patrono.

QUÆSTIO MEDICO-CHIRURGICA,  
QUOD LIBET ARIIS DISPUTATIONIBUS,  
manè discutienda, in Scholis Medicorum, die Jovis vigesima-sexta  
mensis Martii, anno Domini M. DCC. LXXVIII.

M. EDUARDO - FRANCISCO - MARIA BOSQUILLON,  
Equite, è Societate Medicâ Edimburgensi, Professore & Censore  
Regio, Doctore Medico, Præside.

*An post gravem, ab ictu vel casu violento, capitis contusionem, etiam medioeriter  
suspectâ cranii fracturâ vel fissurâ, cutis unâ cum pericranio ad os usque incidenda?*

L.



ASCI-NE erat tanti? infantiam, somnum, tempora cibi, potus  
& tædii si computes, pueri vix sumus, senes jam videmur. Quisque  
tamen vult vivere: anus putida, iniles ærumnosus, Irus egens,  
senex calculosus, podagricus, silicernius. Media inter tormenta  
mortem deprecamur, quocumque pretio fatum protelare avidi.  
Amaritudine sanitatem redimimus. Medicinam tutelarem Deam  
experiri cupimus cujuslibet pignoris dispendio. Jubet Medicina membrum refecari?  
tollitur: adeo dulce est sperare feris mori! Ferrum in viscera eruentum adigit?  
ignes inurit faucis partibus? fiat: dummodò vivamus. Post gravem ab ictu vel

*X Propugnata anno 1746*

calu contusionem terebra admovenda est? admotam sanatus gaudet æger. Incertum an admovenda? cutemque & pericranium unâ evellenda censeas, ut liquidò constet quid sit agendum? Urite, inquit æger, secate, radite, modò vivam. Apparatus sanè ipsâ terebrâ crudelior: at sæpè necessarius magis. Præceps quispiam è scalis aut loco edito cecidit? caput in lignum, ferrum aut lapidem, cranio duriora videlicet, impexit? vehemens sanè commotio. Totius cerebri moles immensa sedibus dimota suis divulsaque validè intus contremuit repercussa fortiter in parietes cranii? Forasan dissiuerunt & ipsi parietes fragminibusque (sanâ extis remanente cute) meninges torquent, vellicant, pungunt. Interdum sola adest contusio gravibus stipata symptomatis, etsi nulla adsit fissura aut fractura; aliquan-ò utrumque reperitur. In arenâ consilium capere hoc opus, hic labor. Rebus tam obscuris quis asferet lucem? Omne feret punctum qui unâ cum luce medicinam dabit. Hoc ut assequare nullus non movendus lapis.

## I I.

**F**ELIX nimium qui potuit rerum causas cognoscere! Sæpè satis felix qui tantum rem ipsam posset cognoscere. A gravi capitis percussione magnorum malorum nascitur Ilias. Nec plerumque majora apparent: sæpè grandiora & præcipua latent intus: imò quæ latent ferè sola sunt vera mala: collisio scilicet substantiæ pulposæ cerebri in interiores cranii parietes, fugillatio, aut fractura in ipsis ossibus. Reliqua apparentia ut phrenitum, Emphysema, hæmorrhagias, febrem & cætera, signa tantum & effectuum effectus habeto. Per hæc, si apparent omnia simul & gravissima, imminensem vaticinare mortem: si minora urgent aut pauciora, cave fidas infidæ paci. Ignis latet suppositus cineri dolofo. Ne temnas tamen signorum conjecturam. His magnitudinem mali præsertim experto & seni Medico conijcere datur. Ex dolore capitis acutiori, lancinante, cum stupore, tinnitu aurium, vomitu, cerebrum vehementer concussum, ibique nasci & ali abscessum judica. Ex frontis, oculorum, faciei intumescentiâ pericranium osque forsan ipsum valdè contusum credere est. His adde hæmorrhagias per nasum, illæsis in istu partibus externis nasi, per oculos, per aures, iidem positis, cranium fissum vix dubitare licet. Spasms miserè convellitur æger, delirat, truci aspectu terribilis è lecto furiosus exsilit? dura meninx, fissurâ internâ, etiamsi nihil in tabulâ cranii exteriori appareat, convulsa torquetur; at interdum Comate hæc omnia sopiuntur signa. Hic hæreret vel ipse Tiresias. Tunc iudicium difficile. Paucis quos æquas amavit Omnipotens, hæc omnia certâ datur assequi conjecturâ. Haud facilitè contusionem simplicem cutis cum levi & periculi experte commotione cerebri, ab ossis externæ tabulæ depressione discernas: contusionem externæ tabulæ ossis ab utriusque disruptione. Fissuram internæ seu vitreæ solam quis adeò Lynceus ut pervideat? Abscessum vix post hebdomadas, menses, annos adesse evincas. Juvandæ rationi quàm benè, ô bone Deus, addidisti sensus. Non jam sibi placeat adeò nec superbiat *Ratio* de fallaciâ sensus arguendo. *Ratio* definit hic esse *ratio*, nisi sensus veniant in consilii partem & auxilium.

## I I I.

**L**EVI tantum commotione exceptâ nullis gravibus stipatâ symptomatis, in utroque casu confert incisa cutis ad cranium usque & detestum illicò subiectum os, per incisionem pericranii. Sic licem simul cum Medicinâ dubiis ægri rebus

3

afferet. Si adsit fractura, plaudes sanè ! At si osse nudato integrum os & ficerum appareat ; putas grande piaculum commississe, nec ullà lustratione ablundum ? Vulnere simplici cutem afflixisti ; nec putes ideò os esse *exfoliationi* permittendum : coalescet vulnus paucorum dierum spatio : ac non sine magno ægotantis iuvarum contusum forsan pericranium incisione relaxabitur, detumescet facies, venæ cum internâ parte cranii committentes exonerabuntur ; tabum seu sanguinem concretum evoment, & si intus adsit commotio & abscessus, exterminabunt. At nisi remiserint dilucidè omnia symptomata post tres aut quatuor dies, cave vulnus coalescere permittas. Angulos plagæ, vel cruciatæ, vel stellatæ, vel cuscuscumque figuræ phumæcolis sublevatos ab osse arceas, at, si perseveraverint, delirium, coma, convulsio, aphonía, oculorum tensio, suffusio, &c. terebram quamprimum admoveas. Ist hæc enim incisio vel per se remedium est gravium symptomatum ubi non adest fractura, vel indicium omnium certissimum fracturæ, si forsan adfuerit ; vel in utroque casu, si per se non medetur, viam non aliundè parabilem sternit ad ultimum omnium auxilium, Terebram.

#### I V.

**P**RINCIPIIS obsta ; medicinam serò paraveris, cum immedicabile per moram factum fuerit vulnus. Turpe Medico non tanti æstimasse malum quanti erat æstimandum. Malè excusatus valeat cum suo *non putabam*, cum potuit scire, inspicere, propriis manibus palpare. In re periculi plenâ attendendum, timendum, cavendum quidquid luctuosum magis & portentosum. Agendum quasi certa salus operam sequeretur. Omnia tuta time ; in deploratis nunquam despera ; honorum tamen verborum & promissorum haud prodigis indecenter. In negotio ancipiti viriliter operare, quasi penes te foret eventus. Cantè rem age & providenter, quasi omnia mortem intentarent. In cranio vehementer contuso cave fracturam, commotionem aut fussionem, undè collectio materiæ stagnantis, corruptio, abscessus. Nec ideò sperare ac proinde agere te deterreat ingens accidentium cohors. Paucis quidem ex orci faucibus superas evadere ad auras, & ab ipso Averni limine remeare datum est : at quod pauci potuère, cur iste non poterit, & iste manu auxiliatricæ adjutus. Conare magna : permittite Superis cætera. Unica via est incisio, quâ latens in osse vitium detegas, eâ solâ obliquæ fissuræ fraudem revelabis. Interdum solo pericranii tritu, vomitus, convulsio, febris, phrenitis, oculorum spasmus, tetanus, &c. collisioni capitis superveniunt. Laxatâ per incisionem pericranii crispaturâ, hi motus inordinati fibrarum atque hæc tam gravia symptomata levi operâ compressa quiescent. Ni remittant, ulterius ferro aggredere ipsum os ; parata via est. Tunc otiosum spectasse naturam pigeret, & fecisse lætaberis quæ puderet distulisse.

#### V.

**S**ERIOREM ergò poenitentiam dum licet præveni cautus, incisione prudenter & peritè, pro ratione loci & magnitudine periculi factâ. Absit ut missa faciam quæsitâ aliundè magna præsidia, ut frequentes & copiosas sanguinis missiones, diætâ exquisitam, & quæcumque valent sanguinem concretum intus & extus admotâ resolvere. Sæpè doctâ plus valet arte malum, & quamvis nihil horum omiseris, vix in vado constituitur æger, Quid ? si neglexeris. Non me tunc emenforum quadraginta aut sexaginta dierum (post quos vita vulgò creditur incolumis & omnis periculi expertus) elapsa series securum ideò præstitit ; vel minimis sympto-

4

matibus adhuc perterrefiam. Minimus capitis dolor, me iudice, abfceffum minaretur. Nec crudelem me facere medicinam quiquam arguat. Crudeliter illum mifericordem dicito, qui, dūm poteft fervare civem, metuit, mortem (grande fanè malum) levi malo propellere. Non in contufione, quam parva fequitur & externa tantūm fuffillatio, fecandam cutem, fecandū proponimus pericranium; at ubi hæmorrhagiā, faciei tumor, delirium, vertigo, &c. gravia comitantur fymptomata, etiāfi, illasā cute, certè non poffit afferi fractū effe cranium, inò etiāfi cranium non effe fractū fere pro certo teneatur.

*Ergò poft gravem, ab icū vel cafu violento, capitis contufionem, etiam mediocriter fufpicā cranii fracturā vel fifsurā, cutis unā cum pericranio ad os ufque incidenda.*

## DOMINI DOCTORES DISPUTATURI.

*M. Joannes D'ARCET, Profeffor Regius, Academiæ regalis Medicinæ Matrutenfis Socius, & Regiâ Societate Medicâ Parifenfi pro Epidemiis infliuā.*

*M. Ludovicus-Gilbertus BOYROT DE JONCHERES.*

*M. Carolus-Ludovic. LIGER, Confiliarius Medicus Regis ordinarius in urbe & Comitatu Altiſſiodorenſi.*

*M. Franciſcus THIERY DE BUSSY, Confiliarius Medicus Regis ordinarius in ſupremo Senatu Parifenſi.*

*M. Carolus SALLIN, Confiliarius Medicus Regis ordinarius in ejus Caſtelleto.*

*M. Joann.-Stephanus GUET-TARD, Regiarum Academia- rum Parifenſis, Rupellenſis, Florentinæ & Stokolmienſis Socius, Cenſor Regius & Hiſtoriæ naturalis Muſæi ſereniſſimi Ducis Aurelianenſium Cuſtos.*

*M. Hugo GAUTHIER Confiliarius Medicus.*

*M. Simon VACHER, Regis exercitūum in Inſulâ Corſicâ Medicus Primarius.*

*M. Natalis-Maria DE GEY-GLAND, Regiorum in Germaniâ Ducum & Militarium Noſocomiorum nuper Medicus.*

Proponebat Pariſiis FRANCISCUS-NICOLAUS SIMONNET, Pariſinus, in Supremo Senatu Patronus, nec non Saluberrimæ Facultatis Medicinæ Pariſienſis Baccalaureus. A. R. S. H. 1778.

A SEXTA AD MERIDIEM.

---

Typis QUILLAU, Univerſitatis & Facultatis Medicinæ Typographi. 1778.